



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/01-34-21648-30/21
Sarajevo, 31.05.2021. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

PREDMET: Odgovor na zastupničku inicijativu, dostavlja se

Cijenjeni,

Zastupnica u Skupštini Kantona Sarajevo, Jasna Duraković je na 36. Radnoj sjednici Skupštine Kantona Sarajevo, održanoj dana 11.05.2021. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. stav 1. Poslovnika Skupštine Kantona Sarajevo, uputila sljedeću **zastupničku inicijativu**:

„Podnosim inicijativu prema Ministarstvu za predškolski, osnovni i srednjoškolski odgoj i obrazovanje KS da razmotri uvođenje kontrolnog mehanizma nad radom privatnih vrtića u KS, koje bi djelovalo direktno pri resornom ministarstvu te da donese Odluku o zabrani mijenjanja/podizanja mjesečne cijene za boravak djece koja su već upisana u privatne vrtiće u KS, čije roditelje subvencionira Vlada KS. Naglo podizanje cijena ne bi smjelo biti prihvatljivo u vremenu pandemije i ekonomske krize.“

Odgovor:

Povodom pokrenute zastupničke inicijative, a u skladu sa odredbama člana 19. Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“, br.: 26/08 i 21/09), Ministarstvo za odgoj i obrazovanje Kantona Sarajevo Vas informiše da predškolsku ustanovu može osnovati domaće i strano, pravno i fizičko lice u svim oblicima svojine, uz odobrenje Ministarstva za odgoj i obrazovanje Kantona Sarajevo i prethodnu saglasnost Vlade, a ukoliko se ispune svi uvjeti za osnivanje predškolske ustanove. Istim Zakonom je propisano da stručni nadzor u predškolskim ustanovama podrazumijeva nadzor nad organizacijom i izvođenjem odgojno – obrazovnog rada, te radom direktora, odgajatelja i stručnih saradnika u predškolskim ustanovama. Nadalje je navedeno da stručni nadzor nad radom



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



predškolskih ustanova vrše stručni savjetnici Prosvjetno - pedagoškog zavoda, dok nadzor nad zakonitošću rada predškolskih ustanova vrši Prosvjetna inspekcija Kantonalne uprave za inspeksijske poslove. Donošenjem Odluke o osnivanju Instituta za preduniverzitetsko obrazovanje Kantona Sarajevo, broj: 02-05-24575-31/19 od 27.06.2019. godine, poslovi koje su vršili uposlenici Prosvjetno - pedagoškog zavoda, nakon njegove potpune uspostave, preuzet će službenici Instituta za preduniverzitetsko obrazovanje.

Što se tiče drugog dijela informacije, ističemo da je formiranje cijena u privatnim predškolskim ustanovama utvrđeno odredbama Zakona o kontroli cijena Federacije Bosne i Hercegovine („Službene novine Federacije BiH“, broj: 2/95 i 70/08), kao i u skladu sa poslovnom politikom svake predškolske ustanove pojedinačno i slobodnim tržištem usluga iz oblasti obrazovanja.

S tim u vezi, obavještavamo Vas da Ministarstvo za odgoj i obrazovanje Kantona Sarajevo nema nadležnost pri donošenju odluka o formiranju cijene boravka djece u privatnim predškolskim ustanovama na području Kantona Sarajevo, niti je nadležno za Ugovore koje potpisuju roditelji i privatne predškolske ustanove u Kantonu Sarajevo.

S poštovanjem,

Dostaviti:

1. Naslovu;
2. Arhivi

MINISTRICA

Naida Hota-Muminović



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

